

Kaotia ao Taekinna

Te Maungatabu ni kabuta bon n te namwakaina aei! Aikai bwaai tabeua aika a tatangiria ataei ibukin te maungatabu.



I tangiria ni kakauongo nakon taian karaki ao te kuaea ngkana e anene. I tangiria naba ni kan kakauongo nakon taetae ni kaikonaki aika a taekin.

Yuri H., ana ririki 8, Taoyuan, Taiwan



I tangiria ni kakauongo nakon te burabeti bukina bwa e taetae te Uea rinanona.

Andrés C., ana ririki 12, Valle del Cauca, Colombia



I tangiria ni matakua n te maungatabu bukina bwa I tangiria n reirei mairoun te burabeti, ao I tangiria ni kabanea te tai anne ma au utu.

David J., ana ririki 9, Sololá, Guatemala



Abel C. ao Tina S., aia ririki 10 ao 9, Bong County, Liberia, bon tarina ao mwanena. Abel e tatangiria te maungatabu “bukina bwa anne te tai are ti kamatoa iai ara burabeti bwa te Beretitenti n te Ekaretia ni katoa ririki.” Tina “e tangiria ngkana e taetae te burabeti ibukin taian tembora.”



Anna B., ana ririki 10, Maharashtra, India, a matakua kina te maungatabu ma tinana. E uota ana tieno ao ana kainikoroboki ni katoa maungatabu ni koro koaua ao rongorongoa aika e ongo.



David ao Juliana M., aia ririki aika 4 ao 6, South Holland, Netherlands, a kanoai boora ma tinaeki ao a katuka tamnein te Abotoro ke te membwan te Moan ni Beretitenti iaoia n tatabeua. Ngkana temanna mai ibuakoia Taari a taetae, a kana te bwai are inanon te mwangko anne!

